

其所以爲慈矣兩敵相加而吾出於不得已則有哀心哀心見而天人助之雖欲不勝不可得矣

道眞仁靜先生曹道沖曰輕敵必敗之因也失計則死得計則生其所係之大者莫若於生與邦家之重非寶者何以兵相抗愛士則哀其臨敵以身視士卒不以鬪戰殺人貪功爲樂必勝也

黃茂材曰自周之衰大道不明人僞長而天眞失天下之人溺於聲色嗜慾以喪其生者十常八九故曰輕敵者幾喪吾寶老子所以再三言之不已深矣其禍慘於兵矣

吾言甚易知章第七十

道藏輯要

道德眞經
彭鶴林集註

三

心集八

吾言甚易知甚易行天下莫能知莫能行

御注曰道炳而易見也故載之言則甚易知要而易守也故見之事則甚易行孟子曰道若大路然豈難知哉故道無難而天下無不能有難不能者不知反求諸己耳

碧虛子陳景元曰經曰常無欲以觀其妙又曰少則得又曰爲無爲事無事又曰不出戶知天下不窺牖見天道又曰行不言之教並是無爲分內簡易之道言則不煩行則不勞是易知易行也莫能知行者下士也

頴濱蘇轍曰道之大復性而足而性之妙見於起居飲食之間耳聖人指此以示人豈不易知乎人能體此以應物豈不

易行乎然世常患日用而不知知且不能而况行之乎
王雱曰凡天地之難事皆起於捨本逐末與妄爲構故內外
交亂奇物滋出而智者不能勝也

道眞仁靜先生曹道冲曰至簡至易無出於道平易逍遙何
所難行以其至簡非思慮擬議之能喻故莫能知以其至近
非步驟遲速之能至故莫能行

清源子劉驥曰天下莫能知莫能行者以其見善不明用心
不剛敗道於有爲喪生於多方

言有宗事有君

御注曰言不勝窮也而理爲之本事不勝應也而道之爲主

道藏輯要

道德眞經
彭鶴林集註

卷八
心集八

順理而索循道而行天下無難矣

碧虛子陳景元曰宗本也君主也百家之言雖殊途而同歸
於理得理者忘言故言以不言爲宗本萬緒之事雖異趣而
同會於功成功而遺事故事以無事爲君主此以不言無事
爲教豈不易知易行耶

穎濱蘇轍曰言者道之筌也事者道之跡也使道可以言盡
則聽言而足矣可以事見則考事而足矣唯言不能盡事不
能見非舍言而求其宗遺事而求其君不可得也

劉槩曰天下莫能知吾之易而知其難者蓋有宗莫之知也
天下莫能行吾之易而行其難者蓋有君莫之知也

達真子曰天下適於詳而不能反約離其本而不能歸要故曰莫能知莫能行言有宗爲言有宗主所謂約也事有君爲事有君領所謂要也

陳象古曰宗君強名也在知其要而已

清源子劉驥曰百家之言不勝窮也當捨其言以求其意得意則言可忘忘言者事之宗也萬緒之事不勝應也當棄其事以求其理窮理則事無事無事者事之君也言得其宗事得其君則知一氣之動作爲變化之樞機煉形中之神修神中之真內澄一景萬氣流行恍恍惚惚其中化物窈窈冥冥其中育精

道藏輯要

道德真經
彭鶴林集註

卷五
心集八
川上又

程大昌曰宗者族之總也君者臣之總也道者事之總也夫惟無知是以不吾知也

御注曰小夫之智不離簡牘雖曰有知實無知也夫豈足以知道

碧虛子陳景元曰不我知猶不知我也不知我之道大所謂似不肖也

涑水司馬光曰有知則知道矣

頽濱蘇轍曰蓋古之聖人無思無爲而有漠然不自知者存焉此則思慮之所不及是以終莫吾知也

黃茂材曰井蛙不可以語於海者拘於墟也夏蟲不可以語

於冰者篤於時也曲士不可以語於道者束於教也豈非其無知故不吾知耶

知我者希則我貴矣

御注曰有高士之行者見非於眾有獨智之慮者見驚於民故有以少為貴者

涑水司馬光曰道大故知之者鮮

顏濱蘇轍曰眾人之所能知亦不足貴矣

臨川王安石曰中士聞道若存若亡下士聞道則大笑之惟其大笑故知我者稀惟其若存故知我者貴

道真仁靜先生曹道沖曰知我者希則我之道不與世相往

道藏輯要

道德真經
彭鶴林集註

美
心集八

來我乃貴矣若人皆知我則我不足貴也

是以聖人被褐懷玉

御注曰聖人藏於天而不自衒鬻

顏濱蘇轍曰聖人外與人同而中獨異耳

清源子劉驥曰被褐則和光同塵外與人同懷玉則抱道蘊

奇中與人異

程大昌曰褐者日用之不可無舉世所共也玉者難得之貨富者所獨也知我者稀固足以見吾道之上矣而聖人不以自異也還以聖不可知之妙而藏諸日用共由之間以期乎人之皆能也此孔子所謂二三子以我為隱乎吾無隱乎爾

者也

知不知章第七十一

知不知尚矣不知知病矣

善虛子陳景元曰夫聖人之氣氣純粹而天性高明內懷真知而萬事自悟雖能通知而不以知自矜是德之上也故曰知不知尚矣中下之士受氣昏濁而屬性剛強內多機智而凡事夸大實不知道而強辯飾說以為知之是德之病也故曰不知知病此亦所謂知者不言而言者不知也

涑水司馬光曰知之如不知則遠怨不知而強知則招患

道真仁靜先生曹道冲曰雖知謙而曰不知是實勝於名故

道藏輯要

道德真經 彭鶴林集註

三 心集八

為上不知而曰知是名過於實故為病

清源子劉驥曰無思無慮始知道無處無服始安道無從無違始得道所以至人無為大聖不作無知而無不知無為而無不為通於一而萬事畢其知出於不知故知不知尚矣眾人務多知而樂通物於不知而知之弊精神役思慮以文滅質以博溺心故不知知病矣

黃茂材曰夫深知道者與道為一尚何有知哉此為知之之至若夫世人未嘗知道乃自以為知知之之病又甚於不知者焉

夫惟病病是以不病聖人之不病以其病病是以不病